

光緒重修安徽通志

重修安徽通志卷一百一

武備志

兵事三

五代梁太祖開平二年吳天祐五年符彥卿帥眾攻廬壽二州皆不

克十國春秋
新增

乾化元年吳天祐八年夏五月吳徐溫徵宣州觀察使李遇入見不

從溫怒以王檀為宣州制置使數遇不入朝之罪遣柴再用徐

知誥副之遇不受代再用攻之踰月不克遇少子為淮南牙將

溫執之至城下示之遇不忍戰乃請降溫斬之夷其族綱目

梁末帝乾化三年吳天祐十年冬十二月梁以王景仁即王茂章改名也歐史吳

世家此年為淮南招討使將兵萬餘侵廬壽吳徐溫朱瑾帥諸

將拒之遇於趙步吳兵未集溫戰不勝吳兵既集戰於霍邱梁

兵大敗梁之渡淮而南也表其可涉之津霍邱守將朱景浮表

於木徙置深淵及梁兵敗還望表而涉溺死者大半吳人聚梁

戶為京觀於霍邱綱目案通鑑胡三省注云趙步頰淮津濟處南直紫金山又顯德四年注云自壽春花

梁鎮沿淮百里得趙步難又東逕梁城淮齊梁控扼之地也又東二十五里至洛河口

末帝貞明二年吳天祐十三年冬十月晉王存勖遣使如吳吳遣兵擊

梁圍潁州綱目

漢隱帝乾祐二年南唐元宗保大七年十一月唐兵渡江攻正陽十二月

州將白福擊敗之通鑑舊五代史漢隱帝紀云潁州奏破淮賊於正陽是也新増

周世宗顯德二年南唐保大十三年冬十一月周以李穀為淮南前軍

部署王彥超副之督侍衛都指揮使韓令坤等十二將以伐唐

先是每冬淮水涸唐發兵把淺壽州監軍吳廷紹罷之清淮節

度劉仁贍固爭不能得至是唐人聞周兵將至而懼劉仁贍神

氣自若部分守禦無異平日眾情稍安唐主以劉彥貞爲部署

將兵二萬拒周師於壽州皇甫暉姚鳳將兵三萬屯定遠周李

穀等爲浮梁自正陽在潁州府濟淮王彥超敗唐兵二千餘人於壽

州城下綱目以上舊志先鋒白延遇敗唐兵於來遠鎮及山口鎮舊五代史

梁書仁贍堅壁不下張永德出疲兵誘之旁伏精騎每戰陽不

利北退三十里伏兵突起夾攻大敗之仁贍僅以身免宋史張永德傳

增新

顯德三年南唐保大十四年春正月世宗下詔親征淮南命侍衛都指

揮使李重進將兵先赴正陽遂發大梁李穀攻壽州久不克唐

兵救之又以戰艦數百艘趣正陽爲攻浮梁之勢李穀謀曰我

不能水戰若賊斷浮梁則腹背受敵皆不歸矣不如退守浮梁

以待車駕世宗聞之亟遣使止之比至已焚芻糧退保正陽矣

世宗亟遣李重進引兵趨淮上唐劉彥貞聞李穀退喜引兵直抵正陽劉仁贍及池州刺史張全約固止之不從既行仁贍曰

果遇必敗乃益兵乘城爲備李重進渡淮逆戰大敗之斬彥貞

斬首萬餘級

案宋史太祖本紀及周三臣傳俱列此戰於顯德三年之前恐誤

張全約收餘眾

奔壽州仁贍表爲左廂都指揮使皇甫暉姚鳳退保清流關世

宗以李重進爲都招討使李穀判壽州行府事世宗至壽州城

下命諸軍圍之營於淝水之陽發丁夫數十萬以攻城晝夜不

息時宋祖爲殿前都虞候世宗命擊唐兵於塗山宋祖遣百餘

騎薄其營而爲遞伏兵邀之大敗唐兵於渦口斬其都監何廷

錫等奪戰艦五十餘艘

綱目舊志按清流關在今滁州城西南二十里塗山在今懷遠縣東南八里

渦口渦水之口也

二月命宋祖將兵襲唐滁州時下蔡浮梁成世宗自往視之因

命宋祖倍道襲清流關皇甫暉等驚走入滁州斷橋自守宋祖躍馬麾兵涉水直抵城下暉曰人各爲其主願各成列而戰宋祖笑而許之暉整眾而出宋祖突陳擊暉擒之併擒姚鳳遂克

滁州

綱目

三月世宗行視水寨至肥橋自取一石馬上持之至寨以供礮從官過橋者人齎一石宋祖乘皮船入壽春濠中城上發連弩射之矢大如椽牙將張瓊以身蔽之矢中瓊髀死而復蘇鏃著骨不可出瓊飲酒一大卮令人破骨出之流血數升神色自若時唐主又使李德明孫晟言於周請去帝號割六州歲輸金帛百萬以求罷兵周主欲盡得江北之地不許遂取唐舒州綱目夏四月周主如濠州時世宗攻壽州久不克會大雨營中水深數尺失亡頗多糧道不繼乃議旋師或勸東幸濠州從之綱目

五月渦口作新浮梁成世宗幸之旋還大梁留李重進圍壽州

綱目

秋七月唐遣員外郎朱元將兵取舒和等州淮南節度使向訓奏請以廣陵之兵併力攻壽春詔許之滁州守將亦棄城引兵趣壽春唐諸將請據險以邀周師宋齊邱曰如此則怨益深不如縱之以德於敵則兵易解也乃命諸將自守毋得擅出由是壽春之圍益急齊王景達軍於濠州遙爲聲援軍政皆出於陳覺擁兵五萬無決戰意將吏畏之無敢言者

綱目

冬十月周將張永德敗唐兵於下蔡十一月遂城下蔡

綱目

顯德四年春正月唐壽州城中食盡齊王景達遣許文楨邊鎬

朱元將兵數萬救之軍於紫金山

在壽州東北即八公山

列十餘寨與城

中烽火相應又築甬道運糧絲互數十里將及壽春周李重進

邀擊大破之死者五千人奪其二寨

綱目

三月周主復如壽州先是唐水軍銳敏周人無以敵之世宗以爲恨反自壽春於大梁城西汴水側造戰艦數百艘命唐降卒教北人習水戰數月之後縱橫出沒殆勝唐兵至是車駕發大梁命王環將之自閔河沿潁入淮唐人大驚世宗渡淮抵壽春城下躬擐甲胄軍於紫金山南命宋祖擊唐寨破之斷其甬道由是唐兵首尾不能相救朱元舉寨萬餘人降周世宗慮其餘眾沿流東潰遽命指揮使趙晁將軍數千沿淮而下命諸將擊唐紫金山大破之殺獲萬餘人擒許文楨邊鎬楊守忠餘眾果東世宗自將騎數百與諸將夾岸追之水軍中流而下唐兵戰溺死及降者殆四萬人獲船艦糧仗以十萬數仁贍聞援兵敗扼吭歎息病甚不知人監軍使周廷構等作仁贍表昇仁贍出

城以降於周世宗令仁贍入城養病是日卒周以壽州為忠正

軍以旌仁贍之節徙治下蔡綱目案胡三省通鑑注云楊氏

案舊五代史唐明宗天成二年詔以壽州置忠正軍後改清淮軍又

五月唐郭廷謂將水軍斷渦口浮梁又襲敗周武行德於定遠

綱目

十一月世宗自將伐唐攻破濠州關城拔其水寨焚戰船七十

餘艘斬首二千餘級又攻拔其羊馬城唐團練使郭廷謂率戰

船數百艘在渙水東欲救濠州世宗自將兵夜發擊破之於洞

口鳳陽府東九十里鼓行而東所至皆下至泗州宋祖先攻其南因焚

城門破水寨世宗督將士攻城十二月唐泗州守將范再遇舉

城降唐戰船數百艘保清口世宗自將追至楚州西北大破之

宋祖擒其應援使陳承詔以歸郭廷謂使者自金陵還知唐不

能救舉濠州城降世宗使廷謂將濠州兵攻天長

綱目 舊志 案漢水自河

南永城流人徑宿州南又徑靈璧縣南至泗州五河縣西北今謂之滄河

顯德五年春三月周主臨江遣水軍擊唐兵破之唐主恐遂南

渡獻廬舒斬黃四州之地畫江爲境以求息兵辭指甚哀賜書

慰納之於是江北悉平周主罷兵引還

綱目

宋太祖開寶七年秋九月宋遣曹彬爲西南路行營都部署潘美爲都監曹翰爲先鋒將兵十萬以伐唐彬自荆南發戰艦東下池州將戈彥棄城走彬入池州敗江南兵於銅陵進次采石磯十一月潘美渡江江南將鄭彥華等拒戰敗走初江南池州人樊若水於采石江上乘小舟載絲繩維南岸疾棹抵北岸得其江之廣狹詣汴上書言江南可取狀請造浮梁以濟師宋主然之乃先試於石牌口移置采石三日而成不差尺寸潘美因

率步兵渡江若履平地江南主以鎮海節度使同平章事鄭彥華督水軍萬人都虞候林真領步軍萬人同逆宋師彥華趨浮梁潘美麾兵擊敗之真以所部接戰彥華不能救亦敗

續綱目

八年冬十月唐都虞候朱令贇自湖口入援眾號十五萬順流而下將焚采石浮梁彬聞之遣戰權都部署王明密令人樹長木於洲渚間若帆檣之狀令贇望見疑有伏逗撓不敢進明因移檄諸將犄角襲之令贇乘大航建大將旗鼓至皖口明合步軍將劉遇急攻之令贇勢促因縱火拒戰會北風甚火反及之眾大潰遂擒令贇十一月克金陵

續綱目

徽宗宣和二年冬十二月睦州人方臘作亂建元永樂聚眾數萬陷歙州東南將郭師中戰死警奏至京師時方圖北伐王黼匿不以聞淮南發運使陳遘上言臘眾強東南兵弱乞調京畿

兵及鼎澧槍牌手兼程以來使不至滋蔓帝得疏始大驚乃罷
北伐之議而以童貫爲江淮荆浙宣撫使率禁旅及秦晉蕃漢
兵十五萬討之臘凡破六州五十二縣戕平民二百萬三年夏
四月童貫譚稹劉延慶等合兵擊破之五月改歙州爲徽州七
月貫等俘臘以獻

宋史本紀
續綱目

高宗建炎元年九月乙酉謀報金人欲犯江浙詔暫駐淮甸冬

十月丁巳朔帝登舟幸淮甸十一月真定軍賊張遇陷池州守

臣滕祐棄城遁

宋史本紀

遇入城縱掠驅強壯以益其軍

續綱目

是月

賊丁進圍壽春府守臣康允之拒卻之丁進詣宗澤軍降二年

春正月王淵招降張遇以所部萬人隸韓世忠軍八月河北京

東捉殺使李成叛犯宿州九月丁進復叛寇淮西冬十月劉正

彥擊丁進降之杜充決黃河自泗入淮以阻金兵

宋史本紀
新增

三年春正月金尼瑪哈入淮陽以騎兵三千取彭城閒道趨淮

東入泗州續綱目 尼瑪哈原作粘沒喝邊 殿本改

二月金尼瑪哈至楚州今江蘇淮安府守臣朱琳降遂乘勝而南陷天

長軍續綱目

三月平江水賊邵青聚眾剽劫泗州四月劉文舜寇濠州六月

王善寇宿州統領王冠戰敗之宋史本紀 續綱目 新增

秋七月山東賊李成黨郭仲威引兵圍淮陽凡四月城陷仲威

入城大掠取強壯以充軍尋詣平江守將周望降續綱目

是月劉文舜寇舒州宋史本紀 新增

冬十月盜李成殺知泗州耿堅據其城舉兵擾淮北帝降詔撫

諭之命成知泗州未幾成復陷滁州殺安撫向子伋及諸官屬

續綱目 舊志是月盜入宿州殺通判盛修已宋史本紀 新增

十一月淮盜劉忠自蘄州轉入湖南還陷舒州通判州事孫知

微被執不屈忠怒縛而食之

宋史本紀
續綱目

金烏珠

原作兀九

遣嵩堪

原作當海

先取壽春而自以兵繼之壽春陷遂

犯廬州守臣李會以城降烏珠與李成合兵攻烏江江淮宣撫使杜充閉門不出統制岳飛泣諫請視師充不從烏珠遂乘充無備進取和州守臣李儔以城降通判唐璟死之無爲軍王善迎降守臣李知幾棄城走遂由馬家渡渡江陷太平州充始遣都統制陳淬及飛帥師迎戰充將王玘以軍先趨淬敗死諸將皆潰充兵亦散金人又陷六安軍淮西兵馬都監王宗望以濠州降於金

宋史本紀
續綱目

十二月烏珠自建康趨廣德軍殺守臣周列

宋史本紀

江淮統制岳

飛率所部躡金人於廣德境中六戰皆捷擒金將王權俘首領

四十餘察其可用者結以恩義遣還令夜斫營縱火飛乘亂縱

擊大破之駐軍鍾村

續綱目

李成自滁州引兵之淮西

宋史本紀
新增

四年春二月李成入舒州三月盜戚方等陷廣德軍殺權通判
王儔四月圍宣州金周企戰壽春五月甲寅金人陷定遠縣統
領赤心隊軍馬劉晏及戚方戰宣州敗死巨師古數擊敗之方
引去六月岳飛破戚方於廣德方詣張俊軍降十月王善餘黨

祝友擁眾屯滁州

宋史本紀
綱目
增修
續

紹興元年夏四月張琪復叛犯富塗縣淮賊寇宏犯濠州五月
水軍統制邵青叛圍太平劉光世招降之六月張琪犯徽州守
臣郭東棄城去琪入據之是月邵青復叛去秋七月韓世清追
襲張琪復祁門縣八月呂頤浩遣將李鑄復舒州韓世清及張

琪復入祁門縣命張俊遣兵捕之九月張琪黨李捧犯宣州守

臣李彥卿及韓世清擊卻之張琪復陷宣州已乃遞去十月知

承州王林禽張琪

並宋史本紀
新增

十一月邵青聚黨於崇明沙光世

令王德討之青自縛請命德獻諸行在餘黨悉平

續綱目

十二月劉豫遣將王彥先攻壽春府

宋史本紀
新增

二年春三月知壽春府陳卞鈐轄陳寶等復順昌府

今阜陽縣尋爲

僞齊所逐并壽春失之

宋史本紀
新增

夏五月都統江淮荆浙諸軍事呂頤浩前軍將趙延壽叛於呂

城鎮王德追延壽至建平誅之

宋史本紀
續綱目

四月乙酉夜太平州軍士陸德據城叛囚守臣張錞殺當塗縣

令鍾大猷乙未知池州王進討陸德誅之

宋史本紀
新增

秋七月戊寅知廬州王亨復安豐壽春縣

宋史本紀
新增

九月司空山賊李通出降以爲都督府親軍統領宋史本紀
新增

冬十二月巨師古引兵入廬州執王亨送行在以胡舜陟爲廬

壽等州鎮撫使宋史本紀
新增

三年春正月李橫復潁昌府二月辛卯李通餘黨劉德圍舒州

壬子王全犯廬州乙卯劉光世遣鄺瓊等屯兵泗州爲李橫聲

援三月胡舜陟至廬州王全降乙巳金人遣兵援劉豫李橫敗

走潁昌復陷五月己卯詔淮南統制解元戌泗州九月甲戌僞

齊王彥先寇宿州乙亥以劉光世爲江東淮西宣撫使置司池

州冬十月王彥先引兵至北壽春將渡淮劉光世遣鄺瓊駐無

爲軍爲廬濠聲援賊乃還宋史本紀
新增

四年夏四月知壽春府羅興叛降僞齊冬十月金人犯滁州圍

亳州韓世忠遣董旼擊敗金人於天長之鴟口橋金人圍濠州

陷之守臣寇宏棄城走偽齊劉豫子麟合金兵入寇仇愈遣將

孫暉擊諸壽春敗之復霍邱安豐二縣

宋史本紀及仇愈傳增修

十一月金人掠全椒三城湖陷滁州鎮撫使劉光世遣統制王

德擊金人於滁州之桑根山敗之金人犯滁口光世遣統制王

師晟等帥兵夜入南壽春府襲金人敗之執偽齊知府王靖

宋史

本紀增修

十二月金齊合兵圍廬州守臣仇愈嬰城固守求援於岳飛飛

遣牛皋徐慶援之皋至遙語金將曰牛皋在此爾輩胡爲見犯

眾愕然不戰而潰飛謂皋曰必追之去而復來無益也皋乃追

擊三十餘里金人相踐及殺死者不可勝計

續綱目舊志

劉光世亦

遣統制靳賽戰於慎縣

宋史本紀新傳

冬金達蘭屯泗州爲韓世忠所扼會雨雪餽道不通野無所掠

殺馬而食蕃漢軍皆怨又聞金主晟病篤乃夜引還

續綱目

六年春二月張浚會諸將於鎮江遣張俊屯盱眙自撫師淮上

遣劉光世屯合肥以招北軍楊沂中屯泗州以佐張俊秋七月

劉光世復壽春冬十月劉豫僉鄉兵三十萬分道入寇使劉麟

率中路兵由壽春以犯合肥劉猷率東路兵由紫荆山出渦口

以犯定遠

案紫荆山當卽懷遠之荆山讀史方輿紀要以爲孔壽春之紫金山既至壽春則不必轉出渦口矣

孔彥舟率西路兵由光州以犯六安劉猷軍至淮東爲韓世忠所

沮乃引趨定遠劉麟從淮西繫三浮橋而渡次於濠壽之間張

俊以兵拒之猷率眾犯定遠沂中以兵二千進禦與猷前鋒遇

於越家坊敗之猷恐孤軍深入爲王師所襲乃欲趨合肥與麟

合而後進至藕塘沂中復遇之猷據山列陣矢下如雨沂中急

擊之使統制吳錫率勁卒五十突入其軍猷眾潰亂沂中縱大

軍乘之而自以精騎衝其脇大呼曰賊破矣賊眾錯愕駭視張宗顏自泗來乘背擊之張俊大軍復與戰於李家灣賊眾大敗橫尸滿野貌以首抵謀主李愕曰適見髯將軍銳不可當果楊殿前也即與數騎遯去沂中躍馬叱之餘眾皆怖而降麟在順昌聞貳敗亦拔去沂中及王德乘勢追麟至南壽春而還孔彥舟亦解圍去張俊楊沂中引兵攻壽春府不克而還十二月城

南壽春府

續綱目
宋史本紀

七年夏六月命劉錡率兵戍廬州

宋史本紀

秋七月詔張俊自盱眙

移屯廬州閏月張俊棄盱眙還建康

續綱目

冬十月僞齊犯泗州守臣劉綱擊走之十二月城泗州

宋史本紀

八年春正月僞齊知壽州宋超率民兵來歸

宋史本紀
新增

四月遣王庶巡視江淮邊防五月王庶至淮南檄張宗顏將兵

七千屯廬州分韓世忠軍屯泗州及天長縣

宋史本紀
新增

十年夏四月張俊遣統制王德援潁昌兵還就檄德復宿州德倍道自壽春馳至蘄縣與金游騎遇遂入城偃旗臥鼓游騎引去德因潛師趨宿州夜半薄金營金人阻汴水邀戰德策馬先濟步騎從之遙謂金人曰吾與爾小大百戰雖名王貴酋莫不糜碎爾何爲者金將高統軍遂投兵降守將馬秦馳入城閉門固守德叱其子順先登秦遂降宿州平德乘勝趨亳州與俊會於城父時酈瓊與葛王烏祿在亳聞德至曰夜叉未易當也卽逐去德入亳州請於俊曰今兵威已振請乘勢進取俊不從棄

亳州引軍還壽春

續綱目

五月金人圍順昌府三路都統葛王襄以大軍繼至劉錡力戰敗之六月劉錡遣將閻充敗金人於順昌之李村烏珠及宋叛

將孔彥舟鄺瓊趙榮等帥眾攻順昌府劉錡帥將士殊死戰大

敗之順昌圍解劉光世進軍和州

宋史本紀
新增

秋八月楊沂中軍宿州金遣聞告敵騎數百屯柳子鎮沂中自將五百騎夜襲之不見敵而還金人以精兵伏歸路沂中軍潰

自壽春歸泗金人屠宿州

續綱目

十一年春正月金烏珠攻陷壽春遂渡淮入廬州詔張俊楊沂中帥兵赴淮西時烏珠自合肥趨歷陽游騎至江王德渡采石俊督軍繼之宿江中德曰明旦當會師歷陽已而夜拔和州晨迎俊入烏珠退保昭關尋復來爭和州俊擊敗之旣而關師古敗金人於巢縣德又敗烏珠於昭關復含山及昭關劉錡自太平渡江與張俊楊沂中會而廬州已陷錡乃與關師古據東關之險以遏敵引兵出清溪

宋史作
青溪

兩戰皆捷李顯忠亦遣統領

崔皋敗金人於舒城烏珠以柘皋地坦平利於用騎因駐師錡
進兵與烏珠夾石梁河而陣河通巢湖廣二丈錡命曳薪疊橋
須臾而成遣甲士數隊踰橋臥槍而坐遣人會合張俊楊沂中
之師翌日沂中及王德用師中張子蓋諸軍俱至惟俊後期錡
與諸將分軍爲三並進渡河以擊之師中欲俟俊至德用曰事當
機會復何待卽與錡上馬先迎敵沂中繼之烏珠以鐵騎十餘
萬分爲兩隅夾道而陣德用曰賊右堅我當先擊之麾軍渡河首
犯其鋒一人披甲躍馬而出德用引弓一發斃之乘勝大呼馳擊
諸軍鼓譟從之金人以拐子馬兩翼而進德用眾鏖戰沂中曰
敵恃弓矢吾有以屈之使萬人持斧如牆而進敵遂大敗德用
錡等追之又敗於東山敵望見驚曰此順昌旌幟也卽走保紫
金山是役也失將士九百人金人死者以萬計旣而烏珠復親

帥兵逆戰於店步沂中等又敗之乘勝逐北遂復廬州

宋史綱目

舊志案石梁河在今全椒縣西九十里柘皋在今樂縣境店步卽店埠

三月金人陷濠州執守臣王進夷其城鈐轄邵青死之張俊遣

楊沂中王德入濠州遇伏敗還韓世忠濠州不利而退岳飛

次定遠聞金兵退還屯舒州冬十月丙寅金人陷泗州又陷

濠州十一月和議成

宋史本紀
新增

十四年六月宣州涇縣妖賊俞一作亂守臣捕滅之

宋史本紀
新增

三十一年秋九月金人大舉入寇冬十月自渦口渡淮李顯忠

遣統制孔福與金人戰於大人洲敗之

宋史本紀

劉錡次淮陰列兵

運河岸以扼之復遣都統王權措置淮西權不從錡節制聞金

兵大至卽棄廬州退屯昭關不戰而潰知廬州龔濤棄城走金

主亮入廬州權自昭關逐金人追至尉子橋統制姚興戰死權

退保和州旋退屯東采石金主亮入和州是月金將蕭琦陷滁

州守臣陸廉棄城走

宋史本紀續綱目

十一月金人游騎至無爲軍守臣韓髦棄城走池州統制崔定入無爲軍復巢縣金人鐵騎奄至江上統制魏俊王方死之葉義問惶怖欲退命虞允文往蕪湖迎顯忠交王權軍且犒師允文至采石權已去顯忠未來敵騎充斥官軍三五星散解鞍束甲坐道旁皆權敗軍也允文謂坐待顯忠則誤國事遂立召諸將勉以忠義曰金帛誥命皆在此以待有功眾曰今既有主請死戰允文督統制張振王琪時俊戴皋等以舟師拒金主亮於東采石部分甫畢敵已大呼金主亮操小紅旗麾數百艘絕江而來瞬息之間抵南岸者七十艘直薄官軍軍小卻允文入陣中撫時俊之背曰汝膽略聞四方立陣後則兒女子爾俊卽揮

雙刀出士殊死戰中流官軍以海船衝敵舟皆平沈敵半死

半戰日暮未退會有潰卒自光州至允文授以旗鼓從山後轉

出敵疑援兵始遁還和州

宋史虞允文傳續綱目

十二月淮東統制劉銳陳敏引兵入泗州李顯忠入和州金顯

壽二州巡檢高顯以壽春府來降

宋史本紀新增

三十二年春正月金人犯壽春府忠義將劉泰戰死金兵引去

二月金人復犯順昌府孟新拒卻之

宋史本紀新增

孝宗隆興元年三月金人以書來求海泗等州地遣兵屯虹靈

壁夏四月帝與張浚史浩議出師渡淮會李顯忠邵宏淵亦獻

擣虹縣靈壁之策帝命先圖二城浚乃遣顯忠出濠州趨靈壁

宏淵出泗州趨虹縣五月顯忠自濠梁渡淮至陡溝金石翼都

統蕭琦用拐子馬來拒顯忠與之力戰遂復靈壁顯忠入城宣

布德意不戮一人於是中原歸附者接踵宏鼎圖虹久不下顯

忠遣靈璧降卒開諭禍福金守將富察都木達周仁皆出降張

浚渡江顯忠兵傳宿州城金人來拒顯忠大敗其眾追奔二十

餘里遂復宿州

續綱目

金人攻宿州李顯忠邵宏淵之師潰於符離張浚在盱眙渡淮

入泗州撫將士遂還揚州

續綱目

二年冬十一月金人陷濠州都統制王彥棄昭關遯滁州又陷

宋史本紀

續綱目

乾道元年冬淮北紅巾賊踰淮劫掠捕殺其首蕭榮

宋史本紀
新增

淳熙八年六月舒州宿松人汪革作亂詔發江北軍討平之

江

通志

甯宗開禧二年夏四月知揚州郭倪遣兵復泗州及潁上虹縣

五月又遣郭倬李汝翼會兵攻宿州敗還至斬金人追而圍之倬執馬軍司統制田俊邁以與金人乃得免時建康都統李爽攻壽州亦敗

續綱目

十一月金人攻淮南日急詔以邱密督視江淮軍馬或勸密棄廬和州爲守江計密曰棄淮則與敵其長江之險吾當與淮南俱存亡乃益增兵防守時金布薩揆引兵至淮遣人密測淮水惟八疊灘可涉卽遣奧屯驤揚兵下蔡聲言欲渡守將何汝勵姚公佐以爲誠然悉眾屯花橋以備之揆乃遣賽不等潛師渡八疊駐於南岸官軍不虞其至遂皆潰走自相蹂踐死者不可勝計揆遂奪穎口下安豐軍進圍和州屯於瓦梁

續綱目以上舊志守

將周虎拒之

宋史本紀新増

十二月金赫舍哩子仁陷滁州自是淮西縣鎮皆沒於金金布

薩揆欲通和罷兵邱岳遣使如金軍議和許還其淮北流移人及今年歲幣揆始許之自和州退屯下蔡獨濠州尙使一統軍

守之

續綱目

嘉定十一年

金宣宗興定二年

二月金壽州行樞密院破宋高柳橋水

砦夷其砦而還五月壽州行樞密院南城軍攻辛城鎮一軍趣

史河與宋人戰勝

金史本紀

十一月金人攻安豐軍之黃口灘

宋史本紀

增新

十二年春正月金人犯安豐軍建康都統許俊遣將卻之三月金人自盱眙退師閏三月金人圍安豐軍及滁濠等州江淮制置使李珪命池州都統制武師道忠義軍都統制陳孝忠救之皆不克進金人遂分兵白濠州犯和州之石碛自盱眙犯滁州之全椒來安及揚州之天長淮南流民渡江避亂諸城悉閉金

游騎數百至采石楊林渡時賈涉以淮東提刑知楚州節制京東忠義慮忠義人兵爲金所用乃遣陳孝忠向滁州石珪夏全時青向濠州季先葛平楊德廣趙滁濠李全李福要其歸路李全進至渦口與金左都監赫舍哩約赫德駙馬阿哈連戰於化湖陂殺金將數人得其金牌金人乃解諸州之圍而去全追擊之復敗之於曹家莊而還金人自是不敢窺淮東

續綱目宋史本紀

冬十二月李全襲泗州不克而還時大雨雪淮水合全請於賈涉曰每恨泗州阻水今如平地矣請取東西城自效涉許之全以長鎗三千人從夜半渡淮潛向泗之東城將踏濠冰傳城下掩金人不備俄城上荻炬數百齊舉遙謂全曰賊李三汝欲偷城耶天黑故以火燭之全知有備乃引兵還

續綱目

十四年春正月時青入泗州西城

案金史宣宗本紀興定五年事提控王祿死之

二月

金人來救青敗乃還

案金史元帥赫舍哩約赫德破宋兵復泗州偏濠州至渦口而還

三月金

人寇黃州攻蘄州引兵還扈再興邀擊於天長敗之及渡淮北

去李全追擊又敗之

續綱目

十五年春二月李全復泗州

續綱目

夏五月金主命額爾克行元帥事節制三路軍馬時全副之由

潁壽進渡淮敗官軍於高塘市破廬州將焦思忠兵既而淮水

暴漲乃為橋渡軍官軍襲之全軍大敗橋壞全以輕舟先濟士

卒皆覆沒金之兵財由是大竭金主詔數全罪而誅之

續綱目

十六年

金元光二年

九月宋兵入壽州金鈕祐祿博諾

原作女力戰

卻之

金史本紀新増

理宗寶慶二年

金正大三年

五月宋兵掠金壽州境

金史本紀

冬十一月

盱眙忠義夏全作亂逐淮東制置使劉瑋以眾降於金

續綱目

寶慶三年

金正大四年

金遣總帥完顏額爾克元帥慶善努守盱眙

與宋李全戰於龜山敗績

金史本紀新傳

紹定五年

金天興元年

二月蒙古兵徇臨渙攝縣令張若愚死之

金史

紀蒙古分兵渡淮攻壽州金守將無降意射書諭之開門送款

遂下亳穎壽等州

元史本紀又據擴

八月泗州路分劉虎副都

統董琳焚斷盱泗橋扼金兵冬十月金將以盱眙來降改爲招

信軍

宋史本紀增修

六年春正月蒙古圍金亳州五月金富察官努襲敗蒙古軍於

亳州

續綱目

端平元年秋七月趙葵自滁州以淮西兵五萬取泗州

續綱目

三年冬十月淮西將呂文信杜林率潰兵數萬叛六安霍邱皆

爲羣盜所據

宋史本紀新傳

十一月蒙古昆布哈入淮西舒州并斬

光等州守臣皆遜昆布哈原作口合三州人馬糧械趨黃州游

騎自信陽趨合肥詔淮西史嵩之援光淮東趙葵援合肥沿江

陳韓過和為淮西聲援宋史 續綱目 案宋史本紀嘉熙元年七月樞密院言元兵自光州信陽抵

合肥制司參議李曾伯廬州守臣趙勝都統王福戰守俱有勞效詔各轉一官云云蓋追敘此年勞績也 增注

嘉熙元年冬十月蒙古昆布哈攻安豐杜杲繕完守禦蒙古以

火礮焚樓櫓杲隨陷隨補完蒙古令巴圖爾原作拔都魯斫牌杈木

巴圖爾者皆死因為之攻城以自贖杲募善射者用小箭射其

目巴圖爾多傷而退蒙古填濠為二十七壩杲分兵扼壩蒙古

乘風縱火俄而風雪驟作杲募壯士奪壩路士皆奮躍死戰會

池州都統制呂文德突圍入城合力捍禦蒙古引去淮右以安

續綱目

二年春蒙古察罕圍壽春七日始下欲屠其城南合曰不降者

獨守將耳民何罪由是得免是役也孔元先登拔西堡鞏彥暉

奪門生擒三人以出張禧解誠俱有功

元史粘合重山子南合傳又孔元鞏步暉張禧

解誠等傳

新增

秋九月蒙古察罕帥兵號八十萬圍廬州期破廬後造舟巢湖

以窺江左於濠外築土城六十里穿兩濠攻具皆數倍於攻安

豐時杜杲極力守禦蒙古築壩高於城樓杲以油灌草即壩下

燎之皆為煨燼又於串樓內立雁翅七層俄礮中壩上眾驚杲

乘勝出戰蒙古敗走詔加杲淮西制置使

續綱目

淳祐元年冬十月淮東提刑余玠以舟師解安豐之圍

宋史本紀

增

二年秋七月蒙古兵渡淮入揚滁和州

續綱目

九月詔淮東忠勇軍統領王溫等二十四人戰天長縣東眾寡

不敵皆沒於陣

宋史本紀

四年夏五月蒙古兵圍壽春時侍衛副都指揮使總兩淮軍馬

呂文德解其圍六月遂以爲淮西招撫使未幾又敗蒙古於五

河復其城

續綱目

案復五河在治祐五年二月宋史理宗本紀治祐四年十二月杜範爲右丞相兼樞密使五年

二月甲戌復五河呂文德進三秩四月丙戌杜範薨諡清獻宰相表同又杜範傳四年拜範右丞相未幾元軍大入五河絕中

流置營柵且以重兵禦合肥令不得相援爲必取壽春之計範命推揚鄂渚二帥各調兵東西來應卒以捷聞範記功行賞莫

不曲當軍士大悅未幾卒

寶祐五年夏五月城荆山爲懷遠軍以夏貴知軍事

續綱目

度宗咸淳元年秋八月蒙古將阿珠帥兵至廬州及安慶諸路

統制范勝統領張林正將高興副將孟興逆戰死之詔勝等各

官其一子

宋史本紀

帝嘉德祐元年春正月知安慶府范文虎叛降元通判夏椅死

之據宋史本紀元史本紀增賈似道出師次於蕪湖二月夏貴引兵會之元

兵陷池州通判趙昂發死之似道以精銳七萬餘人盡屬孫虎

臣軍於池州下流之丁家洲夏貴以戰艦二千五百艘橫互江

中似道自將後軍軍沿港貴嘗失利於鄂恐督府成功無所逃

罪又忌虎臣新進出已上殊無關志會元已延令軍中作大棧

數十采薪芻置其上陽言欲焚舟諸軍但晝夜嚴備而戰心少

懈巴延分步騎夾岸而進麾戰艦合勢衝虎臣軍時阿珠與虎

臣對陣巴延命舉巨礮擊虎臣中堅虎臣動阿珠以划船數千

艘乘風直進呼聲動天地虎臣前鋒將姜才方接戰虎臣遽過

其妾所乘舟眾見之謹曰步帥遜矣以扁舟掠似道船呼曰彼

眾我寡勢不支矣似道聞之錯愕失措遽鳴鉦收軍奔揚州於

是甯國太平和州無為軍俱降元續綱目舊志案丁家洲在今銅陵縣東北案元史本

是甯國太平和州無為軍俱降元續綱目舊志案丁家洲在今銅陵縣東北案元史本

紀池州都統制張林知太平州孟紹知和州王善
知滁州王文虎知甯國府顏紹卿並各以城降

三月宋廣德軍人殺元國信使廉希賢嚴忠範等於獨松關元史

本紀
新增

五月元兵犯甯國縣知縣趙與禧出戰死之宋史本紀

六月元遣范文虎往諭安豐壽州招信五河等處鎮戍官吏軍

民元史本紀
新增

秋七月詔知廬州夏貴加樞密副使兩淮宣撫大使與淮東制

置副使知揚州朱煥互調召李廷芝還貴不奉詔煥還揚州廷

芝亦不行續綱目

十一月元兵破銀樹東壩戍將趙淮死之遂陷廣德軍四安鎮

續綱目

德祐二年春二月元兵攻廬州夏貴以淮西叛降元知鎮巢軍

洪福死之

續綱目

元史本紀夏貴招降洪福福殺其使城陷阿珠斬之

秋七月盱眙泗州以糧盡降元

續綱目

帝昞景炎二年四月淮人張德興與淮野人原寨劉源等起兵

興復司空山民傅高起兵應之復黃州

續綱目

新增司空山在潛山

元世祖至元十六年秋七月戊申甯國軍新附軍百戶詹福叛

死

元史本紀

新增

順帝至正十一年夏五月潁州劉福通起兵作亂以紅巾為號

命同知樞密院圖沁以兵討之福通破潁州據朱皋眾至十萬

遂攻羅山等縣北去

續綱目

十月宗王神保克復虹縣

元史本紀

新增

十二年春二月定遠郭子興等起兵拔濠州據之齊里克布哈

率兵欲復濠城憚不敢進惟日掠良民為盜以邀賞田是民益

洶洶不安其豪傑咸投入城以自保

續綱目 明史本紀 通鑑輯覽

三月羅田徐壽徽偽將項普略陷徽州秋七月董搏霄率兵克

廣德復徽州賊走昱嶺關陷杭州路

續綱目 元史本紀 通鑑輯覽

四月詔天下完城郭築隄防五月命尊達實哩守蕪湖險隘

元史

本紀 新增

九月以余闕爲淮西宣慰副使守安慶抵官十日而寇至拒卻

之乃集有司諸將議屯田守戰策廣西苗軍五萬從元帥阿爾

斯蘭沿江下抵廬州闕移文謂苗蠻不當使之窺中國詔阿爾

斯蘭還苗軍有暴於境者卽收戮之凜凜莫敢犯時羣賊環布

四外闕居其中屹爲江淮保障

續綱目 通鑑輯覽

冬十一月趙普勝周驢等據池陽太平諸郡號百萬江西行省

平章政事星吉募兵得三千人趨銅陵克之擒周驢奪其船六

百艦軍聲大振遂復池州分兵攻石埭諸縣進據清水灣又大破之賊久圍安慶聞風燒營遁去時汝穎賊兵愈熾不數日江淮諸郡皆殘破朝廷徵兵致討卒無成功

續綱目

十二月以廣德克復赦詿誤者

元史本紀

彭早住趙均用率餘黨奔濠州托克托命賈魯追擊之圍濠均用與郭子興孫德崖極力拒守會魯死圍解早住均用遂據濠州城稱王

續綱目

案明史本紀賈魯死在十三年春

十三年五月卜顏特穆爾與賊戰於望江又戰於小孤山於彭

澤於龍開河皆破走之

元史卜顏特穆爾傳

新增

冬十月招諭方國珍以國珍爲徽州路治中國璋廣德路治中

不受仍擁船阻海道

續綱目

十二月明祖起濠州與徐達湯和費聚等南略地定遠計降驢

牌寨民兵三千與俱東襲張知院於橫澗山收其卒三萬遂克

滁州

明史本紀 通鑑輯覽
橫澗山在定遠縣西北

十四年夏五月安豐正陽賊圍廬州

元史本紀

六月張士誠寇揚州

達什特穆爾兵敗諸軍皆潰士誠尋陷盱眙及泗州

續綱目

冬十月丞相托克托分兵圍六合明太祖曰六合破滁且不免

與耿再成軍瓦梁壘救之衛老弱還滁元兵尋大至攻滁太祖

設伏誘敗之度元兵且再至乃還所獲馬具牛酒謝元將曰守

城備它盜耳奈何舍巨寇戮良民元兵引去城賴以完

明史本紀 新

增

十五年春正月郭子興遣張天祐等拔和州檄明太祖總其軍

元兵十萬攻和拒守三月食且盡而元兵分屯新塘高望鷄籠

山太祖率眾破之元兵走渡江

明史本紀 新增

夏六月明祖自和州渡江襲取太平路會巢湖帥廖永忠俞通海等以水師千艘來附明祖大喜往撫其眾諸將請直趨集慶明祖曰取集慶必自采石始采石重鎮守必固牛渚前臨大江彼難爲備可克也乃揚帆直達牛渚常遇春先登拔之采石兵亦潰遂乘勝趨太平拔其城

續綱目 明史本紀 通鑑輯覽

十一月達什巴圖魯破劉福通軍於太康十二月遂圍亳州福

通以韓林兒走安豐

續綱目 通鑑輯覽

十六年三月明祖遣鄧愈侵廣德克之

續綱目 通鑑輯覽

十七年五月明祖定甯國等路先是徐達常遇春率兵侵甯國城久不下明祖乃親往督戰既至守臣楊仲英開門出降百戶張文貴殺其妻妾自刎而死執義兵元帥朱亮祖秋七月遣胡太海侵徽州冬十月常遇春侵池州皆克之

續綱目 通鑑輯覽

詔天下團練義兵

續綱目 元史 新增

十八年春正月陳友諒陷安慶淮南行省左丞余闕死之先是闕固守安慶倚小孤山爲藩蔽命義兵元帥胡巴延統水軍戍守友諒自上流引軍直擣山下巴延與戰四日夜敗還敵追薄城下闕遣兵扼之俄而饒州祝寇攻西門友諒兵乘東門旣登城闕簡死士奮擊敗之賊兵恚甚乃并軍樹柵起飛樓復來攻闕分兵捍禦晝夜不得息至是池州趙普勝軍東門友諒軍西門祝寇軍南門四面蟻集闕徒步提戈爲士卒先分遣部將督三門之兵自以孤軍血戰斬首無算而闕亦被十餘創日中城陷城中火起闕知不可爲乃引刀自剄墮清池塘中死妻妾子女皆赴井死守臣韓建一家被害居民焚死千計

續綱目 通鑑輯覽

明兵取婺源州

元史本紀 新增

二月李文忠等進取青陽石埭太平旌德皆下之夏四月陳友

諒寇池州太平劉友仁趙忠死之俞通海尋復池州趙德勝略

石埭擒友諒將錢清

明史本紀
南通志

江
新增

十九年春三月陳友諒遣將寇甯國太平縣胡惟庸等擊敗之

復寇青陽石埭張德勝戰走之夏四月徐達等復池州五月克

無爲秋八月克潛山九月徐達等攻趙普勝於安慶

明史本紀
江南通

志
新增

二十年夏五月陳友諒攻太平閏月丙辰拔其城守將花雲朱

文遜王鼎知府許瑗死之友諒進駐采石磯欲東取建康明祖

令其故人康茂才爲書誘之友諒果引舟師東下至江東橋呼

茂才不應始知見紿遂大敗乘輕舸走還江州明祖乘勝復太

平取安慶

明史本紀
通鑑輯覽

二十一年七月陳友諒遣將張定邊破安慶八月明祖自將舟

師征友諒遣廖永忠張志雄克復安慶

明史本紀
新增

二十三年二月劉福通兵勢日窘張士誠將呂珍引兵圍安豐

韓林兒告急於明祖明祖乃率徐達常遇春等往救之未至而

珍已殺福通據其城明祖擊走之

明史本紀
通鑑輯覽
續綱

五月陳友諒分兵陷無為州明知州董曾死之

明史本紀
新增

二十四年秋七月明兵克廬州路安豐部將以舒城降

元史本紀
江

南通志
新增

二十六年夏四月明祖取淮安諸路時徐達襲破張士誠將徐

義於淮安義遜左丞梅思祖以城降濠宿諸州皆相繼下淮東

平明祖如濠州

明史本紀
通鑑輯覽

明惠帝建文元年秋七月燕王棣舉兵反四年三月燕兵攻宿

州都督平安追及於淝河斬其將王眞棣設伏淝河大敗之猶

州陷四月甲戌魏國公徐輝祖等敗燕兵於齊眉山

山在靈璧縣西南

斬其將李斌帝召輝祖還庚辰諸將及燕兵大戰於靈璧

並明史本

紀增修時都督何福移營靈璧欲持久老燕師而糧運爲燕師所

阻都督僉事平安分兵往迎燕王率精銳橫擊斷其軍爲二福

開壁往援俱敗走諸將請移駐淮河就糧夜令軍中開三礮卽

走翼日燕兵猝薄壘亦發礮三福軍以爲己礮也爭趨門出燕

兵乘之遂大亂福單騎走安及都督陳暉侍郎陳性善等三十

七人皆被執都督盛庸獨軍而南列淮南岸燕兵不得渡鳳陽

守將徐安亦折浮橋絕舟楫以遏燕燕王乃令邱福朱能等帥

驍勇數百人潛自上流以漁舟濟猝薄庸軍鳴礮庸軍驚突擊

之庸敗走遂渡淮下泗州出天長

通鑑克盱眙

明史成祖本紀帝詔天

下勤王徽州知府陳彥同等起兵入衛

明史惠帝本紀新填

武宗正德十四年夏六月甯王宸濠反七月出大江攻安慶都

督僉事

明史本紀都指揮

楊銳知府張文錦等固守不能克安慶被圍

十有八日會王守仁下南昌遣伍文定徐連戴德孺各將精兵

分道進而使瑞州通判胡堯元等設伏以待宸濠果解安慶圍

通鑑輯覽

世宗嘉靖三十四年倭寇自杭州西掠突徽州歙縣至績溪旌

德過涇縣趨南陵

明史外國日本傳

七月乙巳陷南陵流劫蕪湖太平

犯南京

明史本紀

賊不過六七十人而經行數千里殺傷幾四千人

歷八十餘日始滅應天巡撫曹邦輔以捷聞

明史外國日本傳舊志誤作二十

五年文亦不

具今改修

三十五年夏四月甲辰倭寇無爲州同知齊恩戰死

明史本紀新增

三十六年五月辛未倭犯天長盱眙遂攻泗州丙子走淮安

明史

本紀
新增

神宗萬曆十七年正月丁巳太湖宿松賊劉汝國等作亂安慶

指揮陳越死之二月丙申吳淞指揮陳懋功討平

明史本紀
新增

莊烈帝崇禎三年陝西賊大起八年春正月流賊高迎祥李自

成張獻忠東掠江北兵單弱霍邱先陷縣丞張有俊教諭倪可

大訓導何炳若皆死之燔壽州陷潁州知府尹夢龍州判趙士

寬戰死殺故尙書張鶴鳴等乘勝陷鳳陽畱守朱國相等戰死

先是南京兵部尙書呂維祺懼賊南犯請防護鳳陽陵寢不報

及是陵寢樓殿被焚國相帥指揮袁瑞徵呂承蔭等以兵三千

迎戰頗有斬獲俄賊數萬至官軍敗國相自刎知府顏容暄推

官萬文英等皆死徐州援兵至自成迎祥趨歸德獻忠獨東圍

廬州舒城俱不下攻桐城陷廬江屠巢無爲潛山太湖宿松等
城應天巡撫張國維禦之獻忠由英霍遯道麻城入陝十二月
戊寅城鳳陽癸巳李自成犯江北圍滁州

明史本紀又張獻忠等傳通鑑輯覽

增修

九年春正月流賊高迎祥圍廬州不能拔分道陷含山和州殺
知州黎宏業訓導唐正諫及在籍御史馬如蛟等進圍滁州知
州劉大鞏太僕卿李覺斯堅守總督盧象昇聞警率總兵祖寬
游擊羅岱楊世恩軍馳抵滁城下戰朱龍橋賊大潰追斬無數
賊乃趨鳳陽圍壽州故御史方震孺堅守賊遂突潁霍至靈璧
虹等縣其犯亳州者折入歸德

明史本紀及李自成傳通鑑輯覽增修

十年春正月張獻忠糾羅汝才馬守應劉國能等自襄陽東下
與江北賊革裏眼左金王台烽火達淮揚安池道副使史可法

親率兵當賊衝羣賊趨江北獻忠汝才從閒道犯安慶連營百里巡撫張國維告急詔總兵左良王馬嶺劉良佐合兵往援大破賊於楓香驛二月賊走潛山之天王古寨及太湖山中巡撫張國維檄良王搜山不應尋北去三月賊復出太湖敗官軍於鄴家店殺參將程龍陳于王等四十餘人遂陷和州含山定遠攻天長破盱眙會總兵牟文綬劉良佐來援復破賊獻忠入湖廣

明史本紀及張獻忠等傳

通鑑輯覽

十五年五月張獻忠陷廬州起東閣大學士馬士英總督廬鳳軍務先是江北賊革左二賀陷和含巢潛等縣欲西合獻忠以湖廣官兵阻不得達及汴園急督師丁啟睿及左良王往援獻忠乘閒陷亳州入英霍山中與革左二賀合至是攻陷舒城六安掠民益軍陷廬州知府鄭履祥教諭楊廷璧在籍編修胡守

恆死之陷無爲習水師於巢湖太監盧九德以黃得功劉良佐之兵戰於夾山敗績江南大震鳳陽總督高斗光安慶巡撫鄭二陽逮治詔起士英代斗光

明史本紀及張獻忠傳通鑑輯覽

秋黃得功劉良佐大破獻賊於潛山賊走斬水復陷太湖

明史張獻

忠傳
新增

十七年我

大清

世祖章皇帝順治元年四月明兵部尙書史可法等奉福王由崧監國於南京遂稱帝以可法督師江北出鎮淮揚時議分江北爲四鎮劉澤清轄淮海駐淮北經理山東一路高傑轄徐泗駐泗水經理開歸一路劉良佐轄鳳壽駐臨淮經理陳杞一路黃得功轄滁和駐廬州經理光固一路仍進得功靖南侯封傑興平伯

澤清東平伯良佐廣昌伯臨淮不納良佐軍被攻王命可法往

解之

通鑑
輯覽

順治二年夏四月明太保閣部史可法以

大兵將及淮南連疏告警福王召對羣臣大理少卿姚思孝等請
毋撤江北兵亟守淮揚士英厲聲叱之力排思孝等議淮揚備
禦益弱時總兵官左良玉至九江已疾篤嘔血死其子夢庚祕
不發喪諸將其推爲帥留七日而東兵勢尙盛自彭澤以下皆
陷靖南侯黃得功方駐軍荻港進拒夢庚於銅陵破之解其圍
兵部尙書阮大鍼等日虛張捷音以邀爵賞得功尋復敗其眾
於板子磯乃封得功靖國公命移家太平一意辦賊良玉後營
總兵惠登相本降寇過天星感良玉恩有忠實心方諸將自九
江東下連陷郡縣獨池州不破貽書言留待後軍登相大詬曰

若此反不如我前爲流賊時矣如先帥末命何撤其軍返夢庚索輕舸追之相見大慟登相以夢庚不足事遂引兵絕江去諸將乃議還軍而我

大清兵已至江北夢庚遂執九江總督袁繼咸及安慶巡撫張亮偕御史黃澍率眾歸附亮乘閒赴水死繼咸北行亦不屈死我

大清兵自歸德起行謹案國史名臣察哈喇西喇布阿山各傳

塔阿山馬希喇帥兵先驅潁州太和悉下兵未至泗州二十里遭將先奪泗

北淮河橋守將焚橋遁去遂克泗州我

大兵遂夜渡淮明督師史可法初聞

大兵南下將移軍泗州防護祖陵輜重已發而左良玉稱兵召之入援渡江抵燕子磯黃得功已破良玉軍可法乃趨天長檄諸將救盱眙俄報盱眙已降

大 泗州援將侯方巖敗歿可法一日夜奔還揚州我

大清兵大至薄城下用巨礮擊城西北隅城遂破可法自刎不殊

一參將擁可法出小東門既就執可法大呼曰我史督師也乃

殺之五月

謹案 國史名臣準塔傳是月準塔平定淮安鳳陽廬州望風納款

大清兵渡江諸軍悉潰南京大震福王夜半跨馬出通濟門遂奔

太平時黃得功方收兵屯蕪湖福王潛入其營得功驚泣我

大清兵至蕪湖遣官兵及降將劉良佐等襲太平福王登舟欲渡

江走

大兵據江口截其去路

謹案 國史名臣傳明福王奔蕪湖護軍統領都爾德率兵邀截之江口都統阿哈

尼堪護軍統領伊爾德爾納岱阿爾津佐領賈揚武參領納都瑚追擊之敗黃得功軍

明總兵田雄挾福

王以降靖國公黃得功死之所屬總兵及部眾俱降

大兵執福王至南京分徇郡縣無不歸附江南悉定

通鑑輯覽以上舊志

重修安徽通志卷一百二

武備志

兵事 四 以下新修

我

大清

世祖章皇帝順治二年閏六月豫親王多鐸定江南

命洪承疇往駐江甯鑄給招撫南方總督軍務大學士印是時明唐王

朱聿鍵據福建其大學士黃道周引閩兵出浙江開化明御史

金聲家居休甯受聿鍵部院職募鄉兵十餘萬屯績溪明高安

王朱常淇據徽州明蘄水王朱銜輓次子常采冒族兄樊山王

舊稱結砦英山潛山閒承疇檄提督張天祿總兵卜從善胡茂

禎等分路進征 國史武臣洪承疇傳 貝勒博洛遣都統葉臣督剿天祿

等從

國史貳臣
張天祿傳

金聲保績溪黃山分兵扼六嶺甯國邱祖德

徽州溫璜貴池吳應箕等多應之拔旌德甯國涇太平諸縣九

月下旬徽故御史黃澍降於我

大清

明史金聲傳

涇太

十月天祿從善李仲興劉澤泳等由旌

德進連破十餘砦至績溪縣

國史貳臣
張天祿傳

閒道襲破之聲被執

至江甯偕門人江天一中軍吳國楨副將陳有功游擊余元寅

守備萬全俱死祖德璜應箕及諸生麻三衡沈壽堯等亦俱敗

死

明史金聲傳
通鑑輯覽

徽州平十二月明黃道周率兵犯徽州天祿擊

斬其將程嗣聖等擒總兵李莞光等分兵從祁門江灣街口黃

源四路追剿

國史貳臣
張天祿傳

道周至婺源戰敗被執至江甯與幕

下士中書賴雍蔡紹謹主事趙士超通判毛玉潔遊擊朱家第

等皆死

明史黃道周傳

通鑑輯覽同惟

國史貳臣張天祿
傳作三年正月擒道周諭降不從斬之蓋二年十二月

事三年正月奏到天祿傳據奏到之月書之耳今方略史館所纂年月往往如此又明史及國史洪承疇傳金聲黃道周皆執至江甯而張天是年十二月明朱常棣襲破太湖縣太湖縣志

江北之六安州英山霍山舒城潛山太湖各山砦但受明唐王

剗付招叛兵為應安慶巡撫李猶龍檄各路官兵剿撫飛旂橫

山各砦降

國史貳臣李猶龍傳

參將烏庫理參領布克沙擊明總兵黃裴部眾於池州獲船十

二國史烏庫理傳又布克沙傳作五年按此役是從英親王阿濟格征李自成班師過九江也自成死於二年故依烏庫理

傳

三年洪承疇檄總兵馬得功卜從善等剿潛山司空砦斬守砦

頭目石應璧執朱常棣

國史貳臣洪承疇傳太

三月太平涇縣土賊殺官劫印安廬池太巡撫劉應賓駐甯國

言廣德州北通高溧南通徽甯甯國太平兩府土賊甚多此剿

彼逸已遣總兵張應慶邱越兵備道高峻鳳副將馬希珍分路

招降鄭璧等二百餘人解散數萬

國史貳臣劉應賓列傳

徽州土賊汪張飛劉祥等倡獫微甯道張文衡同諸將剿平之

國史名臣張文衡傳

先是二年夏黟縣逆僕宋乞作亂為縣人江雷等所誅及是年

春逆黨朱太等復起知縣張維光請師提督張天祿知府張學

聖帶兵剿擒渠魁并殺餘黨百餘人

江南通志黟縣志

舊通志名宦國史貳臣傳

天祿是年加都督同知授徽甯池太總兵官四年四月始授江南提督

協領鄂屯從副都統巴山駐防江南聞巢縣為賊襲踞即率兵

馳擊復其城

國史名臣鄂屯傳

九月朱常采餘黨李時嘉等再掠太湖總兵黃鼎討平之

太湖縣志

土寇薄繁昌為知縣范為憲所敗

一統志名宦

又掠廣德州知州崔

成名率兵擣其巢禽賊數千

江南舊通志名宦

十月安廬池太巡撫劉應賓遣知府馬宏長推官彭清典分兵

剿青陽石埭土賊斬王應伯高近之曹一場

國史貳臣劉應賓傳

十一月湖北斬寇劉和尚犯英山縣鳳陽巡撫陳之龍檄廬陽

六安營兵擊走之

國史貳臣陳之龍傳

休甯婺源二縣土賊吳繼程國柱等聚眾劫掠安徽巡撫李棲

鳳檄總兵李仲興副將許漢鼎發兵會剿擒偽總兵江烏鄭恩

祥降偽總兵張天麒江周等千人

國史名臣李棲鳳傳

十二月明高安王朱常淇擁眾擾婺源之小阮張天祿率副將

許漢鼎等剿之於嚴阮擒常淇

國史貳臣張天祿傳

及其監軍道江于

東職方司許文玠等並請

旨斬之

國史貳臣洪承疇傳

四年春據宿松縣志土賊趙正犯宿松巡撫李棲鳳偕總兵卜從善

冷允登等進剿師至沔池擒趙正及正子趙捷應正弟趙秀升

並執明瑞昌王朱誼貴俱斬之國史名臣李棲鳳傳按武臣洪承疇傳朱誼貴係瑞昌王

朱誼泐之弟趙正係瑞昌王下軍師

十月陳之龍遣標將王永昌等剿廬江賊平之國史名臣陳之龍傳

十二月鄱陽賊黑先鋒犯建德鎮將孫成良擊斬之建德縣志

五年正月江西鎮將金聲桓據南昌以叛使安慶土賊馮洪圖

攻無為州巢縣皆陷鳳陽巡撫陳之龍不能禦寇降調去國史名臣

臣馬國柱傳又貳臣陳之龍傳賊自無為圍廬江知縣陳所聞都司徐應祥

城守待援廬江縣志江南總督馬國柱飭按察使王國寶隨侍郎

鄂屯領兵剿擊擒洪圖及其黨蔣懋修鍾武等國史名臣馬國柱傳操

江巡撫李日芄親督官兵扼剿聲桓於小孤山磨盤洲檄江防

同知趙廷臣參將汪義游擊袁誠等迎剿賊艘

國史名臣李日茂傳 安徽

府志太湖宿松縣志並在五年

日茂或謂是日若之曰今依

國史作日月之日 安徽巡撫劉宏遇駐

池州分遣鎮將搜剿土寇王貳甫等以次就擒移駐安慶國史名臣

劉宏遇傳

二月山西副將楊捷次池州值聲桓及廣東鎮將李成棟相繼

叛征南大將軍譚泰請以捷駐九江會剿聲桓

國史名臣楊捷傳

聲桓黨潘永禧陳九思汪老五汪伯昇等結砦大山蹂躪徽州

諸縣

國史名臣胡茂慎傳

總督馬國柱遣滿洲駐防官兵進擊

國史名臣馬

國柱傳

徽州總兵胡茂禎剿賊榆村西溪南吳村西阮皆有斬獲

三月祁門黟縣皆陷

國史名臣胡茂禎傳

黟縣鄉兵敗踞城賊王之貞

走之陳九思又自祁門到黟

舊通志忠節紀事表藝文戊子紀事

茂禎趨

救賊已入休甯茂禎遣參將孫喜策游擊趙亮楊鳴鳳分門攻

擊自督兵復其城又分兵夾擊黟縣城敗走永禧退回饒州四

月賊攻婺源茂禎合戶部侍郎敖童兵水陸堵禦國史貳臣胡茂禎傳

案敖童即馬國柱所遣滿洲駐防官兵野志敖童領滿兵千騎來援駐府城西門即此

閏四月太湖山賊陳麟叛應聲桓知縣李世洽斬之太湖縣志

安慶之桐城潛山太湖三縣有賊渠余尙鑑者擁立明宗室朱

統錡為石城王糾聲桓餘黨居險為巢凡二十餘皆時出侵掠

李國史名臣日茂傳八月石城王據潛山飛旗皆英霍張福寧程元蕭時泰侯應龍等

潛太余公亮陳漢山呂孟陳盡湯時行等亂民應之太湖知縣李世洽霍山知縣

門毓英各嬰城固守江南通志名宦太湖縣志潛山守禦志

九月胡茂禎追斬陳九思於潭口青石焚其新舊營十月敗賊

於祁門擒歙縣巨寇吳國楨十二月分兵四路追剿汪伯昇汪

老五焚其木關擒老五餘賊潰國史貳臣胡茂禎傳

六年山賊陳伯紹寇霍邱會人雨城圯知縣吳國用巷戰死一統

志 江南舊通志

舊通志名宦

石城黨砦寇等踞潛山英山霍山圍宿松李世洽以太湖民兵

會副將李正援剿圍解門毓英以霍山鄉團會署六安守備劉

忠剿賊麻埠

太湖宿松縣志 霍山縣舊志 羅一楨傳 舊通志武功

湖廣流賊王定安陷羅田結英山土賊陳元犯霍山總督馬國

柱遣中軍副將朱運亨等擊卻之三尖山

國史名臣 馬國柱傳 安徽巡

撫劉宏遇與國柱會剿

國史名臣 劉宏遇傳

檄總兵卜從善剿白雲梅

家英窠諸砦明石城王朱統錡糾賊五千餘由金紫砦赴援我

軍奮擊之連破賊砦擒偽總兵孔文燦偽將軍方學達等

國史名

臣馬國柱傳

六月裁鳳陽巡撫

命漕臣吳惟華攝其事亦遣兵合剿獲賊黨白玉麟等三十三人進剿

貓兒潭四柱江家峯尖嶺諸砦賊渠余化龍等悉降

國史武臣吳惟華

傳馬國柱復自率兵剿六安山賊提督巴山提督張大猷江甯

協領鄂屯率兵會之

國史名臣馬國柱傳又巴山傳

先圖侯應隴於將

軍砦進擊賊渠張幅竄賊敗潰陣斬幅竄應隴招降偽總兵王

俊副將霍維倫等諸砦皆燬滅

國史名臣馬國柱傳

大猷身先士卒履

險摧鋒功第一

國史名臣張大猷傳

時安徽巡撫於五月間缺裁

命操江巡撫李日芄攝其事十月日芄遣副將梁大用等攻克皖澗砦

進攻飛旗砦凡七日斷賊水道分兵四擊賊大潰連拔飛旗桃

園等砦獲朱統鎬及余尙鑑斬之大和山小和山等十八砦皆

降

國史名臣李日芄傳

十年操江巡撫李日芄發兵剿徽州府之赤嶺土賊斬賊首張

惟良諭降其眾

國史名臣
李日其傳

九月膠州總兵海時行叛直隸山東河南總兵馬光輝剿之時行走河南永城光輝同漕運總督沈文奎自靈璧縣趨永城夾擊縛時行

國史名臣
馬光輝傳

十三年閏五月江南江西總督馬鳴珮追剿徽州花橋之賊敗之

國史名臣
馬鳴珮傳

十四年河南黃極邪教煽及太和知縣陳大綸率諸生范文炯等圍練剿平

太平縣志

十六年海賊鄭成功犯江甯

國史名臣楊雍建傳作五月梁化鳳傳作七月

命安南將軍達素都統索渾護軍統領賴塔等率師往剿

國史名臣達素傳又資

塔傳資塔
御鎮塔

時滁州密邇省城知州楊鶴年城守而賊氛已偪廬

州知府王業興禦挫之一

一統志
江南通志

安慶上游孤峙人情洶洶署

知府黃熙績登陴捍禦舊通志名宦已而總管喀喀木總督卽廷佐

提督管效忠總兵梁化鳳副都統噶褚哈卽噶楚哈瑪爾賽額楚會

擊敗之安南將軍明安達哩自荊州率師赴援賊船千餘艘泊

三山夾明安達哩督護軍統領錫卜臣護軍校喀爾奇擊敗偽

都督楊文英追至揚子江口賊遁入海國史名臣喀喀木傳

鳳傳明安達哩傳錫卜臣傳祁門防將李芝因海警徵調道叛與叛兵

唐士奇等掠婺源祁門等縣黟縣鄉兵禦諸石阮斬賊目劉養

心舊通志忠節武功婺源縣志王廷

聖祖仁皇帝康熙八年婺源山賊踞三里都剽掠各縣十一月總兵邱

越會徽饒池兵進剿九年四月平之徽州府志黟縣志紀事表

十二年冬吳三桂反

上以安慶爲兩江上游重地令設提督以王永馨任之國史名臣王國光傳

三年正月耿精忠亦叛海賊乘機煽亂

命京口鎮海將軍王之鼎遣副都統一員領兵千防安慶國史名臣王之鼎傳

命正白旗滿洲副都統瑪哈達率所轄駐防兗州兵及右翼察哈爾兵

移駐安慶國史名臣馬哈達傳九月副都統雅資駐防江甯未至

命與署副都統阿喀尼參贊大將軍安親王岳樂軍務先由安慶剿賊

彭澤國史名臣雅資傳時參領巴漢從副都統碩塔穆森等征耿精忠

師次安慶聞建德陷巴漢率兵至赤頭關賊拒戰擊之潰大軍

進攻賊開北門趣遂復建德縣城國史名臣岳樂傳案

成龍請兵復城國史名臣參領崆古圖從雅資阿喀尼等由安慶進兵敗

賊於小孤山國史名臣舒里瑋傳

迫藩耿精忠遣賊將偽都督宋標等陷江西饒州等府國史名臣額

楚傳又王國國史名臣八月賊將羅其熊等由饒州犯徽州婺源陷徽州府志

婺源鄉勇殲賊於盧嶺

婺源縣志汪乾傳
舊通志武功

祁門陷都司臧世龍

夏禾巡檢張行健死之

江南通志名宦

安慶撫標千總陳豹陣亡

安慶府志

黟縣遂陷鎮將胡呈祥失利於龍灣休甯績溪縣城徽州府城

並陷

徽州府志
黟縣志

九月江甯將軍額楚同副都統宗室巴爾堪率

兵往剿

國史名臣額楚傳巴爾堪徽州府志作巴山今案
國史名臣傳巴山於康熙十二年已卒此十三年定非

巴

江南總督阿席熙遣參將馬之駿游擊姚洪信等率兵隨剿

阿席熙

國史名臣
傳

安徽巡撫靳輔亦遣兵會剿

國史名臣
靳輔傳

安慶提督

王永譽督兵駐建德令參將傅爾學進剿

國史名臣
王國光傳

逆賊萬

餘於績溪西北迎戰額楚督兵奮擊斬偽副將一及賊眾三千

餘擒從逆把總劉成功斬之復績溪遂復徽州府城

國史名臣
額楚傳

俘宋標磔於市

國史名臣王國光傳又
靳輔傳作歙縣賊宋鏞

賊將踞休甯之新嶺

倚險立砦額楚分步兵左右擊騎兵由中路進攻破鹿角毀木

柵斬賊五百餘進剿婺源賊潰遯婺源亦復

國史名臣額楚傳踞黟之

賊聞風宵遁

黟縣志紀事表

江南督標游擊趙嶽生馳祁門設伏斬獲

甚眾降偽職吳俱勝等撫難民八千有奇

甯國府志名宦江南通志

王永

譽率所屬兵移守徽州

國史名臣王國光傳

二十七年五月湖廣裁兵夏逢龍據武昌叛

國史名臣葉映樞傳又王鵬傳

調潛山營千總李進忠守宿松

安慶府志宿松縣志

高宗純皇帝乾隆十七年四月湖北羅田奸民馬湖桂聚眾於天堂砦

圖不軌界連江南兩江總督尹繼善檄壽春鎮牧光宗統兵搜

捕并親往擒獲湖柱家屬黨與甚眾

國史名臣尹繼善傳

太湖胡相五

等俱伏誅

太湖縣志

四十九年河南教匪王立山糾眾入亳州焚掠魏家岡官軍擒

斬之

亳州志

仁宗睿皇帝嘉慶元年教匪犯湖北孝感六月調潛山營游擊藍進祿

甯國營千總火嘉瑞等帶兵駐防宿松縣城撫標游擊侯斌等

分防各隘至四年始撤防宿松縣志是年總兵定住率壽春鎮兵赴

河南堵禦戰於光山畱戍茨河賊平歸鎮壽州志

七年宿州匪徒王潮名滋事知州張鼎都司楊荃把總胡玉皆

被戕城遂陷宿州生員秦攀元募勇塞河口賊不得渡巡撫王

璧總兵王集盧鳳道珠隆阿帶兵馳剿淨盡外委張永清賈沛

戰沒

舊通志名宦武功壽州志勸戒錄云殊陞阿刃傷數處矛傷喉舌

十年蒙城教匪李湖士劉茂修樊名揚與宿州匪余連余勇先作亂踞亳南工

記寺十二月巡撫長齡壽春鎮總兵德成額徐州鎮總兵禔明

盧鳳道德慶剿平之

舊志忠節方鳴高傳奇亳蒙城等州縣志

十八年河南教匪滋事安徽潁毫一帶戒嚴巡撫胡克家駐毫

州雙溝集調兵防守擒阜陽人李珠等總兵喀勒吉駐兵潁州

界首十九年春始歸鎮舊通志名宦 亳

宣宗成皇帝道光二年七月潁州府逆匪朱鳳閣作亂總兵國勒明阿

率壽春鎮兵平之壽州志

二十一年海疆警壽春鎮兵調防浙江安徽巡撫程楸采募廬

鳳頰六壯丁練防程楸采奏案及崇祀鄉賢錄

調潛山把總趙鴻猷張定成率師赴上海防堵又調潛山游擊

阮開基率本營暨宿州營兵防四合山潛山縣志

二十二年海舶駛至江甯安徽巡撫程楸采帥師并募鄉勇千

四百馳防蕪湖全椒知縣鈕福疇團練防堵程楸采奏案及崇祀鄉賢錄 全椒

縣志

山東土匪宗洪糾眾擾太和知縣圖隆阿擊走之太和縣志

秋九月蕭縣賊縱橫等竄毫東知州文廷杰率民兵捕之不克
大軍進剿克之梟二十餘人以徇

亳州志

文宗顯皇帝咸豐元年廬州鳳陽潁州等府捻匪結黨橫行巡撫王植

捕治未竟受代去山西道御史鮑繼培以爲言下督撫搜捕九

月巡撫蔣文慶奏獲捻首高四八趙桂亭楊思華等十四人並

請畱道員王彥和辦捕務

平定捻匪方略
國史蔣文慶傳

是年廣西逆匪洪秀泉偕名號永安州陷官軍圍之調安徽兵

赴廣西

平定粵匪方略
豫軍紀略

二年二月粵匪潰圍東竄五月入湖南境八月犯長沙湖北江

西俱戒嚴皖楚一水可通

國史蔣文慶傳

安徽營兵節次調赴廣西

兩湖江西防剿者三千名

方略陸建瀛等疏

存兵分駐各汛地巡撫蔣

文慶請於江北募勇二千飭與楚接壤各州縣添募健丁操練

守禦

國史稿
文慶傳

撥兵七百交浙江副將田大武游擊孫國安防

宿松又於小孤山兩岸安兵設礮交按察使張熙宇協剿兩次

疏請增兵守皖

上命欽差大臣兩江總督陸建瀛馳往九江上游扼要守禦

命前署廣西巡撫周天爵協同蔣文慶辦理團練防剿

方略
國史
周天爵蔣文慶

各十月湖南岳州陷安徽兵戰於新牆驛潛山營千總章寶翎

把總齊能斌張淦外委何翔齡周森俱戰死

潛山縣志

安慶營千總

何法祖等並陣亡

語詳忠節傳

十一月湖北漢陽陷十二月武昌省

城陷潛山營游擊馬步霄千總汪萬青等戰沒

語詳名宦忠節等傳

是年冬蕭縣逸捻馮金標張鳳山等竄蒙城聚黨千人號十八

鋪擁毫捻張落刑爲首

蒙城縣志

明年春潁州知府毛含煜捕之急

馮金標張落刑等先後詣宿州周天爵營投誠

渦陽縣志

三年正月戊申大臣向榮復武昌粵匪出江東竄癸丑至下巢

湖過老鼠峽壽春鎮總兵恩長死之陸建瀛由廣濟之龍坪退

至九江徑還江甯周天爵甫抵宿州募勇赴正陽關壬戌安慶

省城陷巡撫蔣文慶死之方略 國史周天爵蔣文慶傳安慶府通判楊序

鏞懷甯縣典史平源江蘇從九品王澤等俱死之懷甯縣志語鏞甯縣志語

等文武被戕十四員方略是日望江縣先陷知縣衛君選巡

檢王泗典史王寶華均被害望江縣志詳名宦傳甲子夜池州府陷方略

天爵疏丙寅銅陵縣陷銅陵縣志詳名宦傳己巳河州鎮總兵吉順復安慶方略

榮疏庚午夜賊船由太平府四合山下駛福山鎮總兵陳勝元禦

之辛未勝元陣亡方略壬申蕪湖當塗等縣陷癸酉和州陷當

蕪湖和州志

逆匪直犯江甯省城二月乙酉江甯外城陷總督陸建瀛死丁亥江甯內城陷將軍祥厚等死之當是時大臣向榮大

臣琦善自上游南北岸先後至安慶琦善提督陳金綬學士勝保仍由北岸徇桐城廬江無爲巢縣含山和州以達浦口進攻揚州向榮仍由南岸東下己丑至銅陵庚寅過和州境丙申至

江甯軍於孝陵衛

方略各奏報
銅陵縣和州志

丁酉

命工部侍郎呂賢基督辦團練事宜賢基先於正月庚午奉

命赴安徽會辦防剿奏帶編修李鴻章刑部員外郎孫家泰主事朱麟

祺通判徐啟山又請飭給事中袁甲三廣東知府趙昉幫同辦理

上皆允之及是抵宿州巡撫周天爵在宿州疏請遷省治於廬州府改

安慶省爲府城駐總兵一員又言兵機吏治難兼顧

上命學政李嘉端爲巡撫天爵以兵部侍郎銜辦理防剿事務並

命呂賢基會同天爵嘉端練兵團勇曉諭紳民殄除土匪

並方略
國史呂賢基

袁甲三周天爵傳
太湖縣壽州等志

是時宿州懷遠蒙城亳州靈璧等處擒匪嘯聚周天爵飭兵勇
分捕先後斬獲牛汶禮等五百餘人北路肅清親督義勇往南
路追剿三月丙午率游擊劉玉豹壽州知州金光筭焚定遠左
家店擒巢乙酉擒擒首陸雙齡陸繼恩等進剿壽州甘羅廟癸
丑擒擒首陸遐齡及其子陸聚奎陸連元並其黨李邦治等十
二人斬千餘級奪械無算國史周天爵傳方略
己巳李嘉端抵廬州壽春鎮總兵玉山進兵潁亳剿捕擒匪方

奏報

刑部主事朱麟祺駐兵盱眙斬巨擒楊倫盱眙縣志

合肥梁園西北有謝家大戶招納亡命聯絡十餘村莊以謝四
老虎為首周天爵派兵捕之又有巨擒陳學會紀黑壯等嘯聚

潁州之王市集官軍節次被挫周天爵率編修李鴻章督圍堵

剿方略周天爵疏

四月粵逆林鳳翔等自揚州率二十一軍北竄豫軍紀略癸未滁州

陷方略知州潘忠裝禦賊重傷尋歿滁州志甲申賊走定遠之

池河驛鳳陽之紅心驛直撲臨淮乙酉臨淮關陷乙未鳳陽府

縣兩城並陷周天爵督同舉人臧紆青由固鎮懷遠圍剿呂賢

基令員外郎孫家泰帶勇協同總兵王玉山赴鳳陽會剿丙申臨

淮賊回竄滁州爲琦善派防清流關之兵所遏勝保亦由天長

盱眙援臨淮庚子鳳陽之賊趨懷遠懷遠陷壬寅官軍復鳳陽

府縣兩城周天爵追賊懷遠癸卯賊走蒙城甲辰蒙城陷知縣

宋維屏死之五月乙巳朔賊竄西洋集將趨臺州粵逆吉沅沅

亦由浦口趨臺戊申臺州陷以上並方略代理知州孫椿吏目劉然

死之亳州志庚戌林逆吉逆合竄河南永城遂犯歸德勝保

追賊入豫豫軍紀略

當粵逆之北擾也四月癸卯定遠土匪黃四鄭三李文藻撲城

定遠縣志署知縣郭師泰擒斬之嘉端疏江甯踞逆亦遣黨上竄

四月丙戌和州陷壬辰西梁山裕溪雍家鎮皆為賊踞和州志蕪

湖南陵銅陵繼陷各縣志五月戊申安慶再陷按察使張印塘副

將富惠松安署知府牛鎮署懷甯知縣馮元霍退守集賢關庚

戌賊撲集賢關擊卻之辛亥張印塘復安慶仍回駐集賢關李

嘉端回駐廬州編修李鴻章帶勇千人防裕溪駐運漕知縣黃

元吉帶勇由巢舍往和州與李鴻章互相策應

並方略李嘉端疏

癸亥捻匪龔得穆坎掠太和境民團擊敗之於雙浮屠

太和縣志

諭各直省行堅壁清野法刊明亮等疏文慶等議王錫振條陳頒發各

省縣志

侍郎雷以誠始創捐釐濟餉議奏行之雷以誠奏案

六月癸未粵逆自江甯竄繁昌掠三山磯存漕倉米辛卯過懷

甯掠雍家鎮鹽船李嘉端奏捐

舒城土匪擾桐城孝廉方正馬三俊集團擊卻之桐城縣志

七月粵匪自豫境潰入湖北由羅田竄皖乙酉英山陷庚戌擾

太湖縣境丙辰太湖陷旋竄石埭踞江家嘴出洪家埠壬戌張

熙宇廢音泰富惠等分路進剿斬獲無算方略呂賢基傳

揚州踞賊分擾運漕窺東關為編修李鴻章所敗李嘉端飭直

隸州知州李登洲帶勇馳往會剿方略李嘉端疏運漕東關係入巢

湖一帶要口實為廬州門戶李鴻章帶勇駐守四月有餘賊船

並未敢闖入方略呂賢基疏

時周天爵移軍潁亳飭員外郎孫家泰協剿擒首蔣桂梁朱劉
飛熊俱伏誅又飭宿州知州張清元援剿河南永城擒擒首胡
萬箱孟傳太方汝潮署亳州知州熊英擒斬擒首陳申王三鐵
又等張清元回軍亳州會同參將錢朝舉陣斬擒首楊廣義進
剿雉河大破之斬擒首馬老洸馬懸

方略國史周天爵傳

八月丁丑閩浙總督慧成派副都統常清參將蘇勒方阿防和
州時賊擾運漕不得逞泊舟裕溪口將由巢湖撲廬州戊寅入
無爲州境己卯州城陷旋走黃落河窺東關乙酉入神塘埠黃
元吉擊敗之登陸走太平嶺距巢縣五十餘里

方略慧成李嘉端疏庚

寅太湖敗匪犯宿松知縣劉東書率團擊卻之值湖北荆門知
州李塹帶兵至宿松辛卯追賊湖濱賊遂出江

宿松縣志

將由和州

裕溪合股趨廬州

慧成疏

是月粵逆自江西下駛

國史江忠源傳

癸巳東流陷

東流縣志

甲午建德

陷

建德縣志

乙未安慶三陷石逆踞之築黃花亭馬山準提菴諸土

城築迎江寺礮臺設船江面掠上下游增高城垣添造望樓爲

久踞計李嘉端調漢中鎮總兵恆興主事邊葆醇各帶兵勇協

同張熙宇守集賢關呂賢基時自六安赴霍山聞警折回舒桐

募團練爲官兵聲援

方略李嘉端疏

時潁州漢回相仇殺圍府城署廬鳳道袁甲三抵正陽關示諭

不分漢回但問良莠遣同知張家駒解散良民擒斬首犯張銀

盤

國史袁甲三傳

按阜陽縣志作周吟盤因回民陳長西殺其子周玉衡尋仇圍城焚東門吟盤伏法長西逃去

九月癸卯朔粵逆竄和州之鍼魚背仍回裕溪甲辰黃元吉戰

於運漕李登洲戰於黃落河皆失利乙巳東關陷賊遂踞之載

運漕所存漕米十六萬石赴江甯總兵王山退守金山張印塘

受傷退守廬州丁未巢縣陷賊焚學宮縣署而去官軍收復巢

縣及東關隘口

方略 含
山巢縣志

丁巳兵部侍郎前任漕運總督周天爵卒於潁州王市集軍營

略 方

命袁甲三代領其眾

國史袁甲
三傳 方略

壬戌李嘉端罷

授江忠源巡撫

略 方

是月戊午池州府陷粵逆踞之

方略 貴池縣志

青陽亦陷

青陽縣志

丙寅

安慶踞賊撲集賢關游擊賡音泰伍登庸陣亡張熙宇敗退出

關

方略 呂賢基
李嘉端等疏

十月賊退擾南岸建德東流皆再陷

建德東
流縣志

甲戌熙宇會同總兵恆興進剿收復集賢關分守冷水鋪及練

潭甲申夜集賢關再陷冷水鋪練潭各營俱潰遂撲桐城孝廉

方正馬三俊等率練勇迎敵並遣文生張勳赴張熙宇請援熙

宇弗應旋退至大關乙酉桐城陷方略男婦不屈死者

三千五百餘人桐城縣志望江亦陷宿松縣志賊趨舒城己亥

主事朱麟祺禦之於北峽關白沙嶺力戰死之桐城縣志庚子舒

城陷總兵恆興退往廬州督辦團練工部侍郎呂賢基時駐舒

城與隨員前東河通判徐啟山俱死之方略舒城旌德縣六安

州等志詳忠節傳

上命袁甲三由潁州移軍桐城甲三疏言捻逆張茂踞懷蒙開稱偽西

懷王窺廬州應先剿辦

上允之先是周天爵奏蒙亳匪眾合五十八捻為一有四大天王諸名

目未及剿而天爵卒賊擾孫村店袁甲三抵王市集急集勇團

扼要隘遣游擊朱連泰等擊賊高公廟大破之得

旨嘉獎加三品卿銜署布政使甲三言署職恐誤剿匪尋

命卽以三品卿銜兵科給事中剿辦安徽擒匪甲三飭知府張清元知

州熊英兇剿阜毫五十八擒擒擒首姚旋兒李致汶穆坎王長
青宮沅等餘匪逃雉河俄而擒首鄧大俊由雉河擾及標里鋪
甲三分兵襲之擒其渠鄉民先後縛賊二千餘以獻甲三又飭
縣丞徐曉峯知縣徐毓寶守備戴世熙舉人臧紆青在雉河集
臨湖鋪馬家柳林等處剿捕斬馘無算擒首孫重倫馬在隴宮
步雲馬九馬虎陳建中皆伏誅及是張茂撲懷遠縣城甚急甲
三遣游擊錢朝舉等馳往與知縣朱鎮會剿一戰破之張茂受
傷遁十一月甲三遣徐曉峯會同蒙城知縣劉瀛階擒獲擒首
劉洪立武大僧磔之武大僧者周天爵疏稱四大天王之一也
其馬和尚陸鴻江邦位三大天王甲三前在西路時捕得正法
武大僧逃去至是伏誅甲三又派參將朱連泰等剿亳州義門

集擒巢擒斬擒首葛豹馬長德等旋以粵逆撲廬州甲三馳赴

宿州扼賊北竄

方略國史章甲三傳

舒城之陷也巡撫江忠源由鄂入皖道病次六安聞警畱總兵
音德布駐六安以十一月庚戌力疾前進辛亥至廬州壬子舒
城賊趨廬州癸丑薄城下城周三十六里凡七門水西門最庳
忠源自守之分兵守六門紳民萬眾助登陴饋食飲晝夜不絕
賊至卽隨大西門湖南舉人鄒漢勳等迎掘破之自甲寅至戊
午賊連攻七門俱擊敗獲雲梯五十六具都司尹孝忠陣亡賊
潛隧大東門城守備程智泉穴地出擊殺賊最多傍城築營守
之己未前按察使張印塘總兵王山援至戰北門外馬隊潰王
山陣亡庚申音德布援至同知劉長佑千總江忠信會師大西
門戰敗外委石安邦林世弼陣亡音德布奔棗林岡自辛酉至

丙寅賊日環攻我軍日苦戰丁卯夜賊偪城而壘都司馬良勲
守備程智泉穴城出攻毀各門賊壘惟德勝門外者未毀忠源
甚憂之令把總尚得勝總兵傍城偪賊而營戊辰夜忠源弟忠
濟與都司戴文蘭等濟餉入城己巳賊攻德勝門尚得勝在城
下都司楊煥章自城上夾擊之毀賊五壘大西門地雷發城圯
十丈餘鄒漢勲等擊退築完賊夜偪水西門築二壘庚午馬良
勲等出擊破之十二月辛未朔大西門地雷發鄒漢勲旣搶護
又於壬申癸酉連破兩隧道甲戌編修李鴻章招集團練張印
塘收集潰兵募川勇俱駐岡子集方賊之竄擾廬州也

上詔陝甘總督舒興阿等統兵赴援至是舒興阿抵距廬州四十里之
吳山廟是日音德布進營西城外十里鋪與劉長佑戴文蘭三
路進剿毀哨棚二十餘忠源遣兵出應斃賊毀壘乙亥丙子城

內外夾擊各路均有斬獲舒興阿前隊總兵郝光甲楊青鶴亦於丙子日與張印塘會攻水西門賊木城忠源在城上見其戰陣未合機宜疏請以提督和春總統各路援兵丁丑舒興阿進營岡子集李鴻章謁之請速進援戊寅忠源聞賊由蘄水竄皖境英山縣以壬申陷上疏自劾並咨會舒興阿撥兵守六安辛巳賊攻小東門知府陳源充等禦之相持開水西門地雷發城圯八丈餘忠源親督馬良勳戴文蘭及守備龍天保等冒煙桿禦力保危城甲申提督和春至合肥梁園乙酉繞至岡子集商請舒興阿撥兵不允壬午忠源弟忠濬以楚勇千五百人馳至兩戰達大西門外五里墩癸未千總李得勝以楚勇八十齎銀入城甲申張印塘舒興阿會師岡子集將進援水西門馬隊潰賊連日攻撲益急城中餉乏兵疲苦守已三十餘日矣丙戌夜

水西門地雷發城震裂忠源堵塞之賊梯上南門及小東等門
廬州知府胡元煒叛應賊丁亥昧爽廬州省城陷巡撫江忠源
於西門力戰死之布政使劉裕鈐前布政使李本仁池州府知
府陳源充知府李承恩同知鄒漢勳胡子維合肥縣知縣張文
斌前合肥縣知縣桂林吳祥麟府學訓導朱宗采府經歷縣丞
艾延暉興福副將松安參將裕昌廬州營都司陳步雲雲南都
司戴文蘭馬良勳及紳士王汝貴等俱死之

語詳名宦忠節等傳以上方略

國史江忠源傳於是巢縣廬江皆陷

各縣志

時江甯逆黨自灣沚竄擾蕪湖陷

縣志

十二月己丑繁昌陷知縣

張廷槐死之勇目陶蒼林武生強占菴等同戰歿

庚寅賊竄銅陵順安鎮

銅陵縣志甲午

上授漕督福濟安徽巡撫以和春接統舒興阿軍攻廬州

方略

方
嘉甲三

奏派在籍辦團刑部郎中李文安駐守臨淮並請

令在籍侍郎曾國藩以水陸軍由湖北九江趨安徽

國史章甲三傳方略先是

國藩奉

詔團練鄉兵遣羅澤南等轉戰湖南湖北援剿江西建議四省合防以
剿爲堵親在衡州試辦舟師奏明俟船礮水勇三事就緒親統
東征及廬州圍急國藩遣江忠源之弟帶楚勇赴援

上命挑選練勇雇船東下與江忠源水陸夾擊國藩言陸勇業已整備
因舟師尚未辦齊明春乃可成行必須水陸兩軍合之則兩相
夾擊分之則各能自立庶不至一遇大股卽被衝散疏入

諭曰覽奏直以數省軍務一身克當汝能自擔重任迥非畏葸者比必

須盡如所言略力

四年官軍攻廬州府城營於府北定遠於是合肥以南州縣盡

淪於賊徽甯池太廣隔大江賊氛徧布文報梗阻

諭令徽甯等屬暫歸浙江巡撫兼轄改安徽甯池太廣道為徽甯池太

廣道加銜奏事增設皖南鎮總兵

長江水師全案奏議

正月潛山陷

潛山縣志

無為州再陷

無為州志

廬江踞賊暫退尋復至工

部員外郎胡祖謙等死之

廬江縣志忠節

袁甲三廬廬州城賊旁擾疏

請撥兵防壽州六安

上命河南巡撫英桂調兵防堵

國史章甲三傳

分布正陽六安時皖軍音德

布專防六安竄路而土匪勾結舒城踞逆擾六安庚申六安州

陷

方輿福濟疏

謹按六安之陷國史袁甲三

傳作二月事六安志作正月丁巳今遵方輿練首曹遠

榮朱殿甲等攻州城不克殿甲死之陣亡百餘人

六安州志語詳忠節

擒匪竄太和圍練擊之於三張口文生姜培等陣亡

太和縣志

安慶踞賊遣黨渡江癸亥祁門陷知縣唐治巡檢鍾普塘死之

祁門縣志

黟縣志

甲子六安踞賊分竄正陽關壽州知州金光飭擊敗之賊續至

勇潰退守壽州壽州志賊遂寇潁州府團練擊走沙河丁卯潁上

陷旋由新河口北竄潁上縣志

祁門踞賊竄黟二月庚午朔黟陷知縣田荆率民團復之賊回

竄祁門徽州知府達秀率績溪鄉勇追賊出樺根嶺休甯黟縣

紳士會擒土匪休甯黟縣績溪等縣志

和春造參將劉玉豹守正陽關副都統忠泰會同編修李鴻章

剿集縣方略和春疏

新河口北竄之賊游弋蒙亳壬申丙子庚辰蒙城屢陷南擾雉

河蒙城渦陽等縣志袁甲三擣蒙城賊走河南永城甲三追賊及於江

蘇蕭縣賊前股已由豐工下游渡河北竄山東臨清後股未能

渡黃之賊折而南竄甲三引軍遣宿州防南路

國史

方略甲三

月庚子朔賊竄至潁上

潁上縣志

甲三敗之於潁州又敗之於正陽

關餘賊掠舟遞回六安

國史

盡返廬州

方略

甲三遂

回軍剿蒙臺捻匪

國史

甲三傳

太湖踞賊襲宿松辛丑宿松陷歷二十餘日乃去仍往來不絕

宿松縣志

時捻匪張捷三等糾合粵匪以義門集為總巢分踞雉河集臨

湖鋪勢張甚乙巳耆甲三督軍擣臨湖賊潰丁未進逼雉河戊

申敗賊於馬家樓復迫之於渦河遂破義門集偽都督道人王

德恩偽太保朱添寶偽將軍孫禿孜偽總兵夏推尹球尹齡劉

淵等俱伏誅

國史

方略

偽太平順天王張捷三中礮斃

渦陽縣志

耆甲三原奏張捷三等云傷重或云身死容確查等語

鳳雲擒匪竄擾懷遠袁甲三派游擊李成虎等馳剿斬擒首張

詳以馮翔李導聲及餘匪百餘方略袁甲三疏

癸丑知州金光筋參將劉玉豹團練郎中李文安會攻戴家集

松巢擒擒首汪履祥李六禿攷斬之武舉劉開甲武生翟雲登

殺賊陣亡方略福濟疏

霍邱擒匪陳玉嘯聚河口集署知縣徐毓寶往捕被戕方略福濟疏

按此春間事是年六月庚寅穎州府知府陸希湜參將劉玉豹剿陳玉嘯之事見方略其黨李士林為豫軍所擊入戰皆

敗降於湖督楊需見豫軍紀略及阜陽志徐毓寶被害霍邱志兵事門紀於三年誤其徐毓寶傳則是四年

時賴毫一帶粵賊縱橫臨淮為前路要隘袁甲三奉

命馳駐臨淮遏賊北竄國史袁甲三傳

和春添派總兵郝光甲帶陝甘兵協守正陽關

上以袁甲三請仍飭提督秦定三馳赴正陽關扼要堵剿方略和春袁甲三等疏

四月丁丑秦定三到防時臨清敗賊南竄由蕭縣永城回皖甲申蒙城陷丙戌西竄為鳳臺展溝團練王恩綬所敗折而南丁亥戊子過潁上沿沙河繞至正陽關西八里垛秦定三渡河擊殺殆盡餘匪走霍邱掠三劉集李家橋欲歸六安復為劉玉豹悉數斬擒

方略袁甲三疏及蒙城潁上霍邱等縣志

擒匪薛小由河南固始糾眾掠霍邱三河尖

方略福濟疏

庚寅粵逆由浮梁竄祁門之到湖鄉圍殲之

祁門縣志

丙申江甯賊黨駛入金柱關太平府陷學政孫銘恩被執不屈

死署知府李三捷率武舉庠長青鄉兵擊走之

方略和春等疏國史孫銘

恩傳當先是

上命銘恩偕在籍河督潘錫恩籌辦徽甯等屬防剿事宜尋准其開缺

回籍省親

國史潘錫恩孫銘恩傳

授沈祖懋學政銘恩遇害祖懋以學政駐徽州府防剿

奏報方略

五月癸丑署六安知州茅念劬團練舉人李元華克復六安州

城

方略和春等疏六安州志

舒城知縣張埴收復桃鎮舒城團練攻城不克

並方略

訓導金上

珍州同鍾繼昌等死之

舒城縣志

六月壬午秦定三進軍舒城營於

白洋鋪癸未戰連山橋甲申至甲午戰楊店等處丁酉晦城賊

出撲把總吳大椿陣亡

方略

定三會同六安曹遠榮之勇設伏

敗之踏賊壘四十餘座

六安州志

桐城孝廉方正馬三俊率勇來會

敗死周瑜城

舒城縣志

七月己亥至於戊申定三連戰皆勝迭

次苦戰橫嶺

方略

遂由鍋底山進規縣城未下

舒城縣志

時淮南捻匪三大股東股朱家灣南股小店集以西股余家灣

為巢穴

國史

卷甲三傳

先是夏閒章甲三派剿余家灣不克

擒別股匪于和等十六人焚匪巢十餘處夏杪進兵鐵鑪橋東

西兩路俱有斬擒獲擒首李連貴陸興廷等方略章及是復

分兵進剿先斃援賊史學江等旋偪匪巢破碎火焚賊死甚眾

擒逆首李占青等四十餘人餘匪潰走復追殲之甲三傳

甲辰粵賊由運漕犯銅城關含山縣志

英山踞賊道霍山窺六安壬寅霍山陷丙午官軍復之方略

縣志繁於閏七月初五初九方略和春所報霍山失守章甲

三所報初九收復奏到皆在閏七月初五以前則知是前七月

事故不用縣志

乙卯粵逆竄新安嶺丁巳撲樺根嶺祁門練勇擊卻之黟縣志

華瑞竹堂詩注

青陽踞賊漸入涇涇縣團勇疊擊於后岸及紀家嶺涇縣志賊因

民團齊心殺賊欲改由太平縣入徽州浙江巡撫黃宗漢派知

府祿榮等帶勇奔赴徽甯

方路
福濟疏

太平縣知縣歐陽藜照復石埭縣城團勇守琉璃嶺

太平縣志

粵賊復竄太平府閏七月庚辰副將傅振邦張國樑由丹陽進

兵辛巳攻克太平府追至金柱關而還

方路
崇疏

賊復至縣城垣

踞金柱關

當塗縣志

是月前提督鄧紹良派都司周天受赴徽州會都司江長貴援

剿

國史
天受傳

天受會涇太團練克石埭進剿青陽

涇縣志
縣志南

戊子候補知州博勒霍布候選知州李元華復英山縣

英山縣志

官軍之攻廬州也自二月癸酉移營三里岡乙亥城逆五路來

撲和春偕前副將鄭魁士總兵吉順全玉貴副都統薩炳阿知

州江忠濬擊敗之辛卯鄭魁士全玉貴江忠濬分攻三門三月

己酉甲寅疊次環攻奪營焚巢先後斬擒不下四五千名總兵

全玉貴營於北門偏近大橋規賊北出之路己酉之賊玉貴直抵城下打仗受礮傷和春令秦定三填紫北門以上方略逆匪抗拒如故疊奉

嚴旨切責

國史和春疏

四月丁丑和春福濟鄭魁士會合官兵四面圍剿燬

文昌樓並賊營多座戊寅逆匪分路撲出大敗之五月於沿河築壘及土橋三路進攻直抵城濠擊退援賊數月以來北路各營攻剿奮勇西路大捷甚少六月癸酉

命褫西路總兵珠克登楊青鶴等職嗣是副都統忠泰力攻巢湖參將

劉玉豹圍剿霍邱各有斬獲廬州各營自六月至閏七月輪流

進攻節次擒斬甚夥

國史和春方略

全玉貴受傷後逾數月亡

和春

等奏案
粵匪紀略

八月丁未涇太團勇復蕪湖縣城壬子甯國防將王鵬年移營

蕪湖丁巳前提督鄧紹良由高潛移剿太平府賊聞風逕采石

紹良會合傅振邦長桂各軍疊攻之毀其數壘

方略
向榮疏

周天受戰青石嶺殺賊無算

國史周天受傳

追賊青陽斃賊二千餘

國史作十八日方移營琉璃嶺

國史十九日移營青陽

略沈祖懋疏十九日

方略琉璃嶺

方略二

來攻石埭擊退撲營巨股

國史周天受傳方略二十七

日

庚申涇縣團練攻萬級嶺失利吳之補等死焉賊竄觀音巖為

團練擊敗壬戌知縣崔琳督團赴嶺甲子剿賊楊田埂乙丑進

攻青陽先勝後挫把總麻仁武生趙耿元等百四十二人俱戰

歿

涇縣志

浙江道員徐榮偕都司江長貴出祁門復建德

建德縣志

乙丑鄧紹良傅振邦等攻奪采石

方略國史鄧紹良傳

丙寅晦廬江文生姚克厚鮑豐基孝廉方正吳廷香等各率練

勇會外委熊允升攻復廬江縣城斬偽監軍任大綱

方略和春福濟疏

八月三十日廬江縣志忠義傳作八月十三日

九月徐榮引軍還徽州辛卯賊攻大赤嶺團練委員從九品嚴

國佐陣亡建德城陷知縣王開貽軍功黃仙鎬等俱死之次日

賊竄東流

方略和春福濟疏建德縣志

廬江亦於辛卯日復陷吳廷香等

死之

廬江縣志忠義語詳忠節傳

袁甲三以粵匪陷和州窺江浦奏遣參將吉連扼關山廬鳳道

張光第赴滁河集團

國史章甲三傳

和春等派按察使恩錫駐全椒

官渡

方略和春等疏

十月壬子恩錫自全椒官渡張光第自滁州烏衣鎮會軍烏江

石橋協領托雲等分路進規和州癸丑火駐馬河賊壘破沈賊

船

方略和春福濟章甲三疏和州志

甲寅博勒霍布李元華攻復太湖縣城戊午湖北敗賊來撲此

方略又宿松志亦云賊求救於黃梅是也太湖志則云賊自安慶來紳士祝澂鑑陳韶鳴力賊

死李元華受傷回六安太湖復陷方略和春等疏候補知州博勒霍

布太湖知縣張寶鏗典史魯純信把總趙鴻猷外委范履祥宿

松知縣劉東書英山知縣祝昌奎訓導沈周丙巡檢俞元齡千

總史克諧陳開泰八品陳春輝皆死之紳民殉難者數千人太湖

縣志宿松練總賀映葵督勇復宿松不克戰死楓香驛宿松縣志於是

英山亦陷方略十一月乙亥旋復之方略十一月乙亥

當是時皖省軍情日迫永毫一路難兼顧袁甲三奏請河南撥

兵會剿時河南永城民怨亳州民日甚每以搜捕匪首蘇添幅

爲名互相殺掠

上謂此等凶悍之徒擾害良善豈得以民人自相仇殺置之不問周天

爵招撫之張落刑以保守雒河集為名實則狼子野心難保其

不暗結土匪

命河南巡撫英桂令帶兵文武相機剿捕時蒙亳擒匪已由豫回皖上

並豫軍紀略袁甲三飭張落刑捕蘇添幅以表心跡而密飭弁兵誘

擒落刑未獲方略袁甲三疏遣張家駒朱連泰進軍蒙城敗蘇添幅

於寺覺集國史袁甲三傳分路捕獲擒首李秉倉等八十餘人馬老

虎石洪等四十餘人又獲亳境大擒首丁士彥張巨善劉根等

俱伏誅方略袁甲三疏

十一月袁甲三遣參將劉玉豹四品舉人臧紆青由六安率師

至桐城已巳連克大小兩關日據方略桐城志初二日丁卯庚午破呂亭驛

壘直抵城下甲戌戰勝丁丑襲天林莊壬午紆青戰殞桐城文

生張勳吳文謨等死之方略桐城縣志方紆青之圍桐城也廬江援

賊大至紆青擊走之章甲三恐孤軍深入無援奏言臨淮無兵可撥

上命提督秦定三由舒城迅撥兵勇為紆青等聲援尋紆青攻桐城西

門安慶潛山援賊麇至城賊分門出應我軍三面受敵故及於

敗劉玉豹收集潰眾退保六安

國史章甲三傳

十二月癸卯編修李鴻章會同知縣孔繼黃等攻含山己酉克

復縣城

方略和春等疏

是月徽甯池太廣道何桂珍督同府縣自英山進兵圍太湖不

克引還英山

太湖志

辛亥

命前江西巡撫張芾交和春福濟差遣委用

方略張芾傳

乙卯

命河南在籍辦團前江甯布政使王庭蘭駐六安防剿

方略

粵匪由蕪湖犯徽甯鄧紹良由甯國出屯黃池遏蕪湖內犯之

路擊敗逆首石幢淙追殺二十餘里國史鄧紹良傳

學政沈祖懋檄周天受出嶺剿崇覺寺賊巢殲匪千數百載八

百七十一獲礮械千國史周天受傳回軍琉璃嶺石埭孝廉方正程

詵等率團練助防石埭縣志